

頤

綵

堂

文

集

頤綵堂文集卷十二

秀水 沈叔埏 埴爲

書後 五

書魏環溪李安溪贈陸清獻詩手蹟後

吾郡陸稼書先生治嚳政聲傳播都下乃撫臣稱其操絕
一塵材非肆應尋又以註誤去官蔚州魏敏果公爲總憲
首抗章訟先生冤再疏舉廉十人中縣令二上蔡張起菴
沐時宰內黃及先生得

旨復原官事在康熙戊午己未間考先生爲同郡吳準菴
源給諫薦預詞科始一見魏公未幾奉諱出都環溪此詩

作於乙卯冬與先生同縣陸武園補侍御載寒松堂集則

公上疏前三二年事至癸亥先生赴補入都又一見公公

亦尋沒越七年先生由靈壽令行取擢侍御則在庚午五

月先是科道員缺

聖祖諭部院堂上官各舉所知於時安溪李文貞方爲少

司馬偕大司空張敦復英總憲陳說巖延少宗伯王昊廬

宏澤交口論薦先生與三河令彭鵬清苑令邵嗣堯麻城令

趙蒼璧俱

召彭獨得給事中辛未秋先生以言事改調南歸安溪作

此詩送行距魏公贈詩時又十七年矣先生集中上魏環

溪書云乙卯春謁選入都未及遣謁及做親自京歸出詩一幅授某曰此少司農魏公寄以贈子者也拜讀之際且喜且懼謂海濱末吏何由得此於大君子且閣下又非肯輕以色笑假人者乃繆承贊譽如此此必有以某欺閣下者閣下姑信之而姑譽之未必真以爲可取也然又竊喜向之耿耿於中避嫌而不敢進者今姓名旣已得達於君子之前則雖通尺幅以自敘其情可以無攀援之嫌又祭魏公文云某待罪嚆城於先生未嘗有一日之雅先生千里貽詩獎其葑菲而策其駑駘且昌言於朝不以爲嫌聞其罷黜則搯腕不平不顧恩怨卽某亦不知其何以得此

於先生也環溪爲先生生平第一知己與安溪之奉

詔列薦者固有不同然詩中以閩洛相推與魏公如出一

口其詩偶佚編年

此詩載吳光酉所輯先生年譜定本而儀封張慤敬輯陸子年譜亦載是詩而

先生集中亦遂無畱別之篇與感知之作皆事之適然不

足致詰也又考先生自嘉定罷歸常熟席泊齋

啓寓

虞部延

至家教其二子

漢翼漢廷

至御史罷歸復主其家

叔埏

於乾隆

乙酉丙戌客授曹溪席氏淨植園卽先生往來施絳處也

瞻仰講堂追維几席典型斯在馨歎如聞敬堂農部復與

余談其先世從學結姻爲校刊先生遺書行世未嘗不舉

然企慕流連久之茲復獲覩兩公贈詩真蹟辱心舟伯仲

屬題因參考遺書及兩公集次其歲月之可知者識數語
歸之挂名卷中有餘幸焉

書沈荦林廉使請毀明逆閹王振塑像疏後

右余省直時檢冊檔錄出乃乾隆七年正月廉使官山東
道御史時事陳東莊黃趙忠毅視歌所云早年戮豸觸邪
佞指擊死奄如摧枯仆碑磨文入朝奏

天子神聖夕報俞是也嘗考振竊弄威福在英廟嗣位初
其恣肆則在正統壬戌太皇太后崩後作大宅皇城東又
明年作智化寺於宅左以祝釐自撰碑文卽疏所云海岱
門內之祿米倉前巋然尚存規模實鉅是已顧疏中請瘞

英宗諭祭之碑并仆李賢所撰寺記不言有自撰碑文豈
廉使未之見耶又考振被劾籍之宅沒入官改京衛武學
天順改元振黨以聞上大怒追責言者過實皆貶竄詔復
其官刻香木爲振形招魂以葬塑像寺中僧然勝者奉其
香火黃絲以孝行被旌磁州同知龍約自京還任以語州
人羅綺時綺以副都御史降參政家居爲人奏其謗訕皆
獲罪許學士彬積不平賦詩曰忠臣偶爾陷車駕孝子胡
然傷髮膚智化寺中祠屋上薊門風峻夜啼烏據此當并
毀其寺惜此疏未盡昌言耳甚矣英宗之闇也始旣以沖
齡受振愚弄至身陷蒙塵而不悔幸而得歸十年南內不

思己過追艱難復辟猶復私其嬖幸力護前非而不悛視
唐肅代之於李輔國程元振閻尤甚焉所謂禍自己求其
不玷於亡者幾矣康熙四十一年祁門張松巖瑗侍御請
毀香山碧雲寺後魏闢碑墓得

旨後瑗有詩紀事一時屬和者衆漁洋詩云宮鄰與金虎
一疏破重昏尤爲警策疏稿載香祖筆記與廉使此事正
同唐闕史載丞相范陽公爲太清宮使奏碎琢石李林甫
像好事者傳其奏章明吳文恪謝按浙時壞南宋太學秦
檜碑自爲記曰使邪說之說奸穢之名不得廁於聖賢圖
贊之後姜如須瑛爲行人見紀名碑列崔呈秀阮大鍼特

疏請去之重書勒石徐昭法所詠擊奸穹碑碎是也凡若此類韓子云誅奸諛於既死蓋有同心余嘗出入正陽門見闕廟陷壁有闕黨南樂外魏公廣微義聖忠王四字巨書深刻屹立至今每過輒爲之髮指倘他日入臺必當上疏請毀俾奸頑遺蹟不致久玷神棲因廉使疏預識之

附嘉定張擔伯錫爵紀事詩海岱門西前朝寺玉貌錦衣

坐內侍羣吏紛紛入寺門揮鋤毀像如雲屯豐碑敲斷高座撤寂寞空階香火絕居人稱快路人呼餘氛蕩掃無鼙颺祭文酸楚悲身殉英宗復辟思王振元老殷勤撰廟碑論功頌德多愧詞君臣一代盡茫昧廟祀無恙

今奚爲臣聞刑賞昭職守誅前奸諛以警後

聖代隆平諫草良扶植綱常事非偶君不見碧雲寺裏

西山垠當時亦有忠賢墳

見吾友于齋詩鈔

書椒園臬使所作族兄沈泰叔傳後

余幼就塾於同里明繼山少保之半郭樓少保六世孫長

旭齋水部諱昌寅字升伯次定嚴太史諱昌字泰叔暨

余師學博蔗田先生諱琅其同祖弟也並受業於同邑賀

芋園舍人諱光烈字經三爲明道醒少卿

燦然

元孫集洲明

府來

子里中推經師太史領雍正二年癸卯鄉薦兄水部

猶未遇益發憤下帷太史遂不赴公車至丙午舍人登賢

書會丁未浙人以汪查之獄

詔停會試己酉水部亦領鄉薦至八年庚戌太史兄弟侍其師俱預計偕太史擢冠南宮以一甲二名進士入詞林兄亦同第授刑部主事後終盛京工部主事舍人以考選授官尋鬱鬱以卒太史兄弟爲之歸其喪且經紀其家後舍人子基璽亦登進士令新鄭有循聲歿而僑其帑於邑嘗考前代崑山畱耕張處士和兩弟節之穆敬之穆同登正統己未進士和名在二甲第一先是宣德乙卯敬之舉於鄉以兄和未預不肯赴春官及正統三年戊午和亦舉於鄉明年遂同第穆授工部主事成化初歷吾浙參政歸

無以自給門人故吏爲買田松江以老著有勿齋集和授

南刑部主事天順中

五年辛巳

提學吾浙待諸生有恩義歿後

浙士數百人賻哭哀之如父著有篠菴集秋臺清話夫齊

名雙舉古人所難昔京江張素存先生

玉書

以辛丑會魁禮

存先生

玉裁

以丁未及第第二人先後入詞林熊次侯序兩

張太史制義云素存之上公車也禮存忘己之未售而裏

糧相從羈旅之勞登朝之喜一如素存所自爲者及禮存

僂得僂失至於再三素存亦忘己之已售而庇其膏火相

其佔畢夜雨連牀隕涕繼血其友愛亦云至矣顧弟不先

兄本無可待觀於太史之輕一第以待其兄與張敬之先

後如出一轍友于所感宜其致同甲之祥也此事亦內行之一顧臬使作傳遺之因補書之以爲厚於天顯者勸

書竹垞圖後

乾隆甲辰夏余假旋子舍友壻葛雅宜以購得竹垞圖畧余乃康熙甲寅先生客通潞時填百字令索泰興曹次岳補圖迨甲戌始付裝池一時和者尤西堂徐虹亭顧伊人郭景張葉學山鏡沚高江村繆荃谿李秋錦門人戴錡共十人初先生買宅長水曰竹垞

見先生看竹圖記

因以自號垞西

有羅浮蝴蝶局橙子岡岡上擬構六峯閣未成六峯者謂硤石東西山大小橫山爰史二山也所居有潛采堂孫退

谷書額西偏曰醜舫有箴

集中又有卽事詩二絕

堂之後爲敬悅齋

有箴其旁曰娛老軒至丙子結曝書亭於荷花池南

類則嚴講

漁所書

有菱池芋陂桐階同心蘭砌青桂巖先生偶然作所

云忽露一株巖桂香是也亭東有靜志居繡鴨灘西有茶

烟閣槐汧池上有釣船坊落帆步諸景先生集中爲朱悔

人題小竹山人墨竹詩云吾家長水一茅屋北垞南垞都

是竹每憶園林燒筍時不戀樹雞及榆肉海陵曹岳爲我

畫作圖藥爐茗枕書籤廚卽謂此也又題壁云買斷竹垞

將四載園林新筍未經嘗今來散帙時初夏忽見抽梢喜

欲狂北市有人酤濁酒南鄰許我借匡牀江村穩臥真堪

樂休說燕雲射獵場又戲題風中柳一闋有云北垞也竹
南垞也竹護吾廬幾叢寒玉又偶然作云垞南宜得翠筠
看上番移來近百竿昨夜疾風吹拔木老夫差喜竹平安
亦可想見斯圖之勝先生嘗讀書吾家苧莊其弟千里爲
吾家壻苧莊者詩話所謂畧約相通環以水竹先高伯祖
介菴公之別廬也余少無宦情逾疆仕甫得一官其於故
鄉田園之樂有輾轉於懷而不能暫忘者他日一灣流水
千个篴簫庶幾苧莊足以歸老安得妙手如秋厓爲余圖
之

書玉峯諸公寄吳漢槎十札冊子後

國初諸公寄吳江吳漢槎孝廉塞外十札爲徐健菴立齋
鼎季暨徐虹亭顧雪灘顧華峯孫赤崖內二札不署名一
蓋其表弟潘稼堂一有家學在字學在爲萊陽姜如農子
疑卽姜定菴與漢槎最厚者昔陶園先生作存友札小引
嘉定張中巖錫爵題秋笳集後云驚傳馬角生今日太息乾
坤有故人自注徐健菴尚書爲納鍔放還徵此殆不足以
當之漢槎以順治己亥夏出關戍遼左二十餘年至康熙
辛酉長洲宋文恪倡贖釋歸健菴爲捐貲先刊其集一時
周旋患難故不乏人而之數公者友誼尤篤迄今讀之纏
綿隲側達深情於萬里之遠洵無媿爲慎交社中人也余

少讀秋筵詞賦未嘗不惜其才悲其遇茲冊要當與集俱傳爾

書梁文定公自訂年譜後

文定師考東山公諱文標字師臣任刑部司獄冬月製囚衣施獄中雍正四年大司寇靜海勵文恭薦於

朝

世宗憲皇帝特擢主事

旨云陰隲官是也囚衣遂爲令此如吾鄉明屠康僖官廷尉時所奏兩京法司一體熱審因而推及天下事正相同最後萊陽宋文玉攻重復疏請祇申明舊章耳吾師由戊

辰

廷對第一人入翰林敷歷中外累官東閣大學士始建宗
祠於豐山之陽其先自新昌遷會稽仍世寒素未有登甲
乙科者至比部而家以滋大積善之慶豈虛語哉

書稽文恭公自訂年譜後

吾師居文敏公之喪不飲水者十日時年二十有八洎居
母何太夫人之喪不飲水者四日時年五十有四禮云君
子執親之喪水漿不入於口者三日此士大夫之中制也
惟曾子七日若吾師者洵無忝於曾子之孝矣孔子曰夫
禮所以制中也子思曰先王之制禮也過之者俯而就之

不至焉者跂而及之夫所謂過與不至者豈人性之不同哉亦言人之所稟氣體彊弱有不齊耳乃鄭注則曰爲曾子言難繼以禮抑之孔疏因之以爲曾子誇已居親之喪意疾時人行禮不如已故子思以正禮抑之審如鄭孔之言一誇一抑豈復成爲曾子子思哉後人遂謂曾子幾於滅性則更失之矣觀於吾師一人之身而前後懸殊若此非人之精神出壯而衰固有不能強之使一者在耶宋張英公濟賢丁內艱水漿不入口者七日自是日噉粥一器終喪不食酒肉蔬菜張愈丁內艱鹽酪不入口者再朞夫文定貴爲輔臣其居喪顧與隱逸等宜史冊並傳也世知

畱山先生以一諸生與范忠貞同殉耿逆之難而以韋平兩世爲報施忠義之徵又孰知吾師之純孝加人數等哉太上皇帝賜詩有云可知襲慶緣修德所喜力行不務名大哉

皇言非虛美也

書谷觀察餘生記畧後

溲陽谷竹村觀察寄畧餘生記畧蓋乾隆四十七年壬寅觀察官曹儀通守時搶護青龍岡埽工落水事也閱今十有一年矣循讀一過爲之駭心慄魄益信觀察萬死一生正天畱

國家得力之人俾其經營四方復不覺以手加額且歎且
慰先是大興埽走水死者河陝汝道張公有年以下文武
員弁數十人俱邀

恩卹至觀察墮河獲甦已成廢疾廼蒙

賜金養病旣而傷痊入

覲特授袁州司馬擢守皖濠迄今觀察淮揚且晚置理宜
防有以知

上之眷倚有在也昔宋慶厯中河決商胡三司度支副使
郭申錫親往董作時合龍門埽長六十步有水工高超者
獻議以謂埽身太長人力不能壓埽不至水底故河流不

斷而繩纜多絕今當以六十步爲三節中間以埽連屬之
先下第一節待其至底穴壓第二第三舊工爭之以爲二
十步埽不能斷漏徒用三節費倍而決不塞超曰第一埽
水信未斷然勢必殺半壓第二埽止用半力水縱未斷不
過小漏耳第三節乃平地施工足以盡人力處置三節旣
定卽上兩節自爲濁泥所淤不煩人功申錫主前議是時
賈魏公帥北門獨善超言陰遣數千人於下流收漉流埽
已而埽果流河決愈甚申錫坐謫卒用超計商胡方定此段
出夢溪筆談康譽之生長滑臺述黃河漲溢官爲卷埽其說有
云取長藤爲絡實以芻藁土石量水之高下而用之大者

至二千人方能推之於水正決時亦能退水勢之暴遇水
高且猛時若拋土塊於深淵耳或不幸方推之際怒濤遽
至則溺死者甚多又有絞藤爲繩緮結竹箴木柵等謂之
寸金藤有時不能勝水力卽寸斷如翦此段出宋康
譽之昨夢錄曩余
壬午癸未間曾客豫河值楊橋大工合龍嘗三過中牟九
堡覽河隄之形勢因念堰埽之煩費與芻槌之苦勞雖卷
埽與古不同而其爲防險則一也東坡傳陳侍郎公弼其
官滑州時會河溢魚池埽且決公發禁兵捍之廬於當決
吏民涕泣更諫公堅臥不動水亦漸去人比之王尊觀察
今之公弼也以觀察世受

國恩守官無貳脫不幸入險而不能出猶將如吾浙義烏梅麓朱公錢塘敬菴徐公爲國禦災捍患夫亦何憂何懼顧記曰愛其死以有待養其身以有爲又曰雖危起居竟信其志猶將不忘百姓之病也余知觀察之志者故樂得而書其後云

書周孝廉謁護國帝君廟記後

吾友海昌周二耕厓孝廉學行爲浙西之冠撰述最多文昌通紀其一也乾隆丙午暢月下旬偕余謁京城護國帝君廟歸而約同作記以識吾兩人平生崇奉之誠讀孝廉此記余又何能益一言哉嘗考化書載明正統己巳英宗

北狩遣變錦衣衛千戶林茂祈於帝君得吉籤祝曰卽有
應當建祠旣而回鑾復辟茂以狀聞命工部建祠賜額迎
禱此事在京泰後憲宗前未知祠在何處抑卽是廟否因
繕記并及之以論孝廉

疏

勸募同善會疏

周禮地官大司徒以保息六養萬民三曰振窮四曰恤貧
遺人掌邦之委積以養老孤後世同善之舉卽周官遺意
也吾郡舊有此會一切規例並仿高忠憲公集中所定會
式踵行盡善建有公所一區司出納者以時會計九年於

茲矣唯是貧戶歲增而義產未立久而廢弛則亦何樂乎
有此舉耶昔宋仁宗時韓魏公請罷鬻沒官之田募人承
佃爲廣惠倉散與鰥寡孤獨慶厯嘉祐間既有常平又有
廣惠廣濟二倉以備賑恤所以仁宗德澤倍洽於民今
國家設有常平社倉良法美意淪浹閭閻而里中富人又
復仰體

皇仁不惜推其有餘以佐官之所不逮是韓子所謂明先
王之道以道之鰥寡孤獨廢疾者有養也程子所言一命
之士存心於愛物於人必有所濟也傳云人之欲善誰不
如我用書之以爲吾黨勸

真如寺募建五百羅漢堂疏

佛書諾俱那率其徒八百衆居震旦國五百居天台三百居雁蕩則吾浙固震旦國也顧兩浙寺以千百計而有五百羅漢者浙東則台之石橋婺之石佛鄞之天寧越之禹跡浙西三郡最著者杭之淨慈靈隱而海昌之安國寺則皇朝康熙六年倡自里人張構屋四十餘楹供奉五百羅漢乾隆二十七年

太上皇帝三巡浙水詣寺拈香見應真像而悅之因

勅良工仿壘五百軀津送

天府迄今

萬壽祝釐及雨暘祈禱咸就焉俗稱北寺是也郡城南真如寺自明洲上人住錫已來開壇傳鉢大振宗風道俗信從布施全集上人以其願力葺仁王塔起華嚴閣齋堂佛殿次第鼎新而寺遂輪奐改觀矣茲議於殿之東偏隙地創建提陀俱脂其規制悉倣海上第一名山爲斯寺增一勝境工甫相度不浹旬而遠近之捐輸像設者已及十之二三蓋堂之潰於成可以上人之行業卜之也近湖郡靈山之上乘新市之覺海並已募造歲工吾禾其後先輝映者歟抑往昔高明水屯田藏宋江陰軍乾明院五百羅漢名號康熙間水部孫念祖曾經鏤板堂成後上人其重付

開雕永弄精藍以證成善果當亦諸檀信所歡喜讚歎爾
箴

擬畏言箴

阿則取侮忤則逢禍不阿不忤吾安往而不得其爲我
銘

幃燈小幟銘

余二十餘卽患短視夜書必以幟幃燈資之銘彌自勗
也

燃火火滅焚膏膏竭昔汝一何清孫郎雪江郎月幾不免
於元康之閭室今汝一何佚不蒸薪不燃荻分餘光於會

續有韓子之短檠飾幃燈以小幟占來章之借明而不愛
汝三餘者必將失汝南面之百城

又

明中暗暗中明養我英明貫元精

又

雙眸雖澀七孔明叶今我不學遂失日中光

讀書燈銘

錢七孝廉

汝器

命錫工爲讀書燈啓闕以就匣藏製甚

方雅余贈之銘

挂鏡爲燈照汗簡巧工冶錫學丁緩鳳脰能迴雁趾短丙

夜假明晨破闇下帷但覺星如醎藏諸細笈利行遠安得
借我鄴架書乞我趙州眼覆以冰荷花易營黃紙板心燈
百千傳無盡智炬虛空同莫限

錢宮傅贈礮村硯銘

錢老貽埏寶之

童子試硯銘

惟我與爾枕經藉史出則緘滕入仍淨几相從二十餘年
矣曾不敢舍業以嬉者此謂君子之接如水

端明硯銘

杭城潮鳴寺僧濬池得歙硯一其側面子由銘曰馬肝

之質雲錦之文斯是端明永磨不磷余因以名之甲午
秋賦偕九弟寓寺中以冬春二斛易歸試之墨如熬油
然雖擘窠書可咄嗟辦也昔東坡得歛硯於龍井辯才
處犀壁半丸耳猶作詩以識以此相較奚啻千璠璣耶
遊蘇門隱禪窟水巖金星認山骨數百年來誰洗拂出水
今看氣滃渟佐我龍蛇走鬱律硯乎爾豈池中物

唐六如澄泥硯銘爲王清芬作

硯高五寸五分寬四寸五分厚二寸四分圍

有池左旁刻墨霞寒翠晉昌唐寅珍藏右旁刻硯爲
子畏遺物衡山於丙申年得之書此如見其人也徵
明

解元居吳趨里硯用號州畱宋製橫塘墓不同瘞待詔得

之逾一紀感人琴紀厥歲三百年來逢

聖世銘者誰東陽氏以貽太原佳公子畫禪室藏龍尾

天府之珍此其次

內府藏六如龍尾石瓦硯
董香光有銘見西清硯譜

豐下硯銘

何二丈試藝京師數十錢買一硯不甚寶愛祇以禮聞
自隨丁亥春館余卻林書舍出置案頭比於文太史五
星聚奎所以期待余者甚厚余泚筆焉苦不起墨因名
之豐下而借警以銘

豐下硯有硯子面能飲墨不能吞篆有貴人之奇表而文
采不足以自見不學者此其鑒

何松岑鐘硯銘

以爲鐘端溪其名以爲硯粲谷其形非臨彭蠡或擊之鳴
非出太末叩之有聲雜辟雍與樂石儼西頌而東笙資士
咸之待問試鏗鏗以說經

李芬谷盤谷硯銘

盤之石珏所貽相切磨攻玉資

蕉葉白硯銘

朝天巖蕉葉白攜爾金華殿中直作賦摩空與有力

鹽倉方菴兄

志贈硯銘

昔南齊庾易

去聲

能自樂以文義則有安西長史贈以蚌硯

等器兄家海汾里遠致斯石實倣其意嘻白日青雲之詩
予豈其人而猥云比美何以報之亦惟是竹翹書格連理
几

端溪荷葉硯銘

槐谷農部以硯乞銘於余余熟跡久之曰此端溪阿婆
坑石也昔人所謂石質黯黝佳者有火捺紋可亂水巖
者是顧其形模甚古當出宋治平後製作因贈之銘

石之落落玉之珠璣今爲席珍昔跼伏羚羊峽中爾何惡
章爾闇斲爾樸風雅澤爾躬詩書實爾腹何爲假爾芟荷
形曰終返爾之初服

高文恪硯銘

石之端與人之端言行相顧豈不難

石子硯銘

秀而壽向常之斯其友

吳梅園半月硯銘

修月手玉爲友月半規昌其詩

芝雲硯銘

購汝篋中藏十年不一試試以蠅頭書肌理何細膩出山
杳無期芝雲署作字伴我老著書千秋從此始

羅解元硯銘

解元名澤坤湖南桃源人乾隆辛卯冬與余定交於觀
總憲邸第辛丑春同試禮闈報罷尋以大挑出宰閩中
瀕行出硯畱別後十年以昧敗

解元天湫才三羅乃其選別我之閩疆贈我端溪硯那知
泉路盡交期從此故人不相見置之案頭如覲面思之惜
之淚如霰

葛杖陂硯銘

不知則問不能則學君子取之玉堅而不磨過而不濡斯
石也吾亦取諸

贈子萬端溪硯銘

端之石玉爲友兄所貽弟當寶

樹根葫蘆如意銘

如意爲柄壺蘆身千歲樹根質有文養其自然俱長春

浙甕銘

太平寰宇記杭州亭市山餘石鄉亭市村多陶戶善作

大甕今謂之浙甕余家舊藏此甕因銘以識之

大甕試三斗非響琴卽貯酒曹公石墨永公書隗炤盛金
我何有

多孝廉慶辛巳生人印章銘

辛巳生逢昌辰比於子昂稱甲寅

趙文敏自署甲寅理紀人見馮模稷帖跋

年申折桂人

贊

吳門李德馨孝行贊

德馨名發枝其先河南人遷金陵數世始遷於吳事父
佩青母魏氏先意承志晷刻不離左右少習儒恐違定
省不就試一日父潛之武林德馨覓不得驚悸發狂月
餘父歸疾頓愈無賴子某挾宿憾將刃於其父德馨
延頸請代其人感而退母多病德馨寢食俱廢會病革
氣垂絕德馨聲咽口流沫不止醫診之云膽破矣遽卒
年三十六母竟甦逾十年以壽終先是其家有白鳥移

巢之祥鄉里異之令子上舍永嘉乞傳記於文章家余
因續爲之贊

有白者鳥來巢於屋巢隨屋遷爰止庭木伊誰居之隴西
名族迹希閔曾風傳淳朴生也何來死也何促三十六年
日惟不足其心則純其行乃獨得親之歡何必綵服免親
於難頸可就戮父之出矣我心顛覆母之疾矣我命窮蹙
膽破莫完魂飛不復子没母甦子所大欲嗟哉斯人董生
之屬我作贊辭用勸式穀

屈敦吉比部

樹榮

讀易圖贊

畫省郎官丹顏道貌歸里賦閒閉門却掃性靜養沖仕優

學劬一經家傳十翼心好交繫日尋彖材隨詔不辨同異
鄭王相較不問師承施孟所敎坐不臯比非云設教手不
研朱非云讐校羽扇纖絺科頭脫帽春去都忘晝長初報
石上清風松間斜照茗熟荷香坐消炎歎藉以去矜豈同
寄傲張緒清才言精理奧王湛牀頭剖析微妙不遠而復
誰其則倣君有同志相視而笑善易不言去煩執要天心
可窺月窟可到余忝苟陳柘湖移權易義願聞席間許造
讚以先之乘韋是導

凌芳谷像贊

古凌人之後先生尙如挹夫淳風守圭璧以自飭勤細素

之研覃養木雞而不瞬獨執雌而持謙敷春風於滿坐寫
和氣之一襟裁圓冠而曳方履擁臯比而譚古今有時把
卷味義根而駐庭陰有時脫帽以明月爲冠簪忘綺甲之
將轉任皚雪之早侵曾不受外撻及內韞又何藉二銘與
五箴

許慕陶雲泉松石圖贊

雲在霄兮卷舒自如泉在山兮琤琤益清松龍鱗兮礫礫
長身石鹿迹兮莓苔野席翁看雲起兮聽泉鳴對高松而
跋白石酌醇醪以怡情臥羲皇而自適息內外韞之異營
隨所欣而有得又奚慕乎懸霄之山居及濟勝之登陟

孝行曹容齋遺照贊

鄉有純孝曰譙國氏毓自清門雲巢仲子生稟異姿性敦
倫紀嗜古耽書大隱倚市其孝云何善事考妣親壽而康
承歡甘旨親感風疾侍疾牀第辛勤五年靡間寸晷籲天
願償以身代死嗟哉斯人蘭摧玉毀遺貌儼然琴書幅紙
豐下有後詒安趾美堂構斯存來孝是似我作贊辭用告
惇史

東陽張尉西垣

奎峯

家慶圖贊

普里名家清河世胄德器渾成才猷蚤懋良牧誼方

父純

服習從幼趨庭北平一卮介壽筮仕浙東牽絲綰綬雙崑

對衙片雲出岫鴻案能賢逮是遺遶犀角佳兒瑤環文繡
爾貌何豐閏年正富利濟爲懷康莊斯驟棲仰桐高哦看
松茂芙蕖播芳薌蘭擢秀惟有乃似同薰比臭慶緣善滋
贊以爲祝

石蒼琦五表兄小影贊

憶年羈卯兄畱予家視兄猶子我母爾姑兄與我母俱出
皮市萬石家風數策伊始鯉庭嬉戲覩予采芹予家旋落
兄返閭門泊予出走廿載飢驅迎門厚款還往吳胥予以
養歸辭官禁省忽過遽齡兄亦老景母昨九十兄來捧觴
小春周甲兄壽而賦桂樹連蜷菊花爛漫題兄斯圖用祝

遐算

陳翁南州遺像贊

曳杖者翁太邱之族翁貌欲仙翁行惟獨早失兩親佳城
手築萬里尋兄崎嶇入蜀舟覆峽中神掖以出叶孝友之
聲溢於鄉曲任卹之惠徧於支屬晚而求仕嗟弗及祿邑
侯勒銘問史是錄予交仲子父書能讀著翁之教圭璧自
束稱小歐陽過庭所得叶有懷所生像攜行簞我儀圖之
詒孫子穀

集字魁星贊

斗魁戴匡厥星則六若有神兮湘管手握抉漢成章挾天

旁燭懸象難圖微言足錄曾述正修顏勤克復一貫斯傳
貳過莫屬義荀繹思書乃善讀名隸文昌籍登司祿

南極多壽圖贊

弧南星耀離景之躔騰光流彩應

聖乘乾延洪錫羨吳歲義年黃明潤大瑞文昭然文成已
字圖假書傳非繪非繡亦篆亦真蠅頭紹繚肉角盤旋來
壽者相現老人身鬚眉奕奕杖履翩翩漢則綺角唐惟杲
收趙丙劉几髣像其人李稱八百桃熟三千鹿觥而豎鼠
超而仙用長列宿福祿萃焉籌添閬苑會約蓬山誰摹此
蹟壽世壽民

丹青友張遠道士自寫像贊

余交畊雲鍊師幾四十年矣己酉夏畊雲手寫鏡影深得謝文侯

彬

徐象九

易

筆意爰爲之贊

少侍先人方外是訪松月軒中畫雙松障洎余盛年文史跌踢每約飲徒來傾春釀今喜結鄰重看筆放六法俱成自寫其狀垂雙股條攜九節杖善氣常迎機心都忘青谿赤泉餐瀝飲沆豈及雲烟駐年無竟

叶

從曾祖功尚公像贊

嗟公之先以儒爲緒四世而上同出禮部教稟過庭文學爲父父旣齋志子復薄祜瘵疾沈綿一經辛苦授室七年

埋玉黃土含笑九原婦節能樹像存秀羸孰辨翁姥

從曾祖妣節孝厲太君像贊

猗惟太君寒宗增耀相夫克勤事姑能孝寡鵠遽歌單鶯
誰弔詩重兩髦禮嚴一醺半百

旌門終身節操無後有後天之所報遺範儼然景陽德曜
昭我管形式彰壺教

頤綵堂文集卷十二終

頤綵堂文集卷十三

秀水 沈叔埏 埴爲

傳

後唐張忠愍公傳

乾隆乙巳暢月余始渡浙汜至婺之東陽登吳寧臺獲拜瞻張忠愍公父子遺像蓋後唐邑令之全家殉難者退而考諸邑乘名蹟闕如因歎一時載筆者非洪景嚴其人致通國屬耳目之蓋臣良吏湮沒不彰用撫宋吳炯所作臺記及

國朝諸穆渾重脩廟碑而補爲之傳

公諱潮字均彰汴京人由後唐進士出宰東場卽今之東陽也清廉惠愛政修民和誦父母者六年如一日會括蒼魔賊作亂公率鄉民與戰賊少却越三年魔寇大發賊衆十數萬壓境救援不至力不能堵公及長子天賢戰沒於邑南之官清嶺闔門八十餘口同日被害幼子天宥在學肆獲免赴縣北之塘水有木浮至依之噉運實七日得不死民痛公之沒奉公子居塘側名其塘曰託塘天宥登宋雍熙進士官天章閣學士移居玉山葬公於郭園民久而益懷其德卽於縣治後鑿池築臺立廟以祀凡旱澁疫癘有求必禱其捷應如響紹興間毘陵吳公炯令是邑因彊

賊充斥率鄉兵數百禦敵禱於公得神助是夜過半啣枚
直搗賊營擒渠魁七人殺賊數百餘衆悉降鄰賊亦望風
披靡四境獲寧於是請於朝贈公太常卿諡忠愍

論曰余遊東陽憩城闕觀裏外託塘訪張氏宗祠甚輪奐
知公後繁衍代有聞人勝國時督師少傅忠敏公國維丁明

末造大節卓然

國初大興孜堂先生

烈

登己未詞科又以理學著蓋自北

宋以迄我

朝綿綿延延慶昌枝裔猶必遯源託塘云然則當時之舉
族以殉僅畱一線之傳得以永其俎豆俾公之靈爽與斯

土俱不泯天之報公爲何如哉昔人嘗以歐史不爲周三臣立傳而以爲憾夫世固有使子孫奉嘗我不如其遺民者矧其後嗣之遠而彌光又若此區區史傳之有無何足踰於社祠尸祝又况鄉曲無足重輕之志乘乎哉

按明嘉靖間公二十二世孫江右叅藩張用載

大輪

作玉

山金釵祖墓碑記謂公裔出唐東平公藝後數傳至左司郎中定宦遷於汴又數傳至禮部尚書燦實爲公考生唐咸通壬辰八月六日卒則晉開運乙巳七月二日而譜云生長興三年八月廿六日於景德二年七月廿二日殉節考景德爲宋眞宗年號與五季無涉又臺記

越三年魔寇大發而譜云九年魔賊薄城其歧誤若此
丁未陽月重至東陽并識

又案公祠最靈余乙巳之役瀕行乞一籤以示出處榮
枯蒙神詔余備至越歲余登第改官悉符靈語以是知
吳記云云不虛也昔江陵神假陸法和以兵梓潼神投

姚萇以杖信州李真君德勝以鷹旗滅寇著績靈山而吾

浙湖郡通應侯晉朱泗方臘之亂屢輝威靈杭郡黎陽郡

王唐桑顯保島夷之却曾出神兵微公孰與並烈余不揣顛

愚思藉區區辭筆以答神貺然則公之神豈僅庇一邑

已哉

又案龐賊事詳泊宅翁方清溪寇軌雜見沈繼祖施康
年劾朱子疏及張文靖守劄子緣山谷田野間肉食者
少往往止喫蔬菜所謂喫菜事龐是也

項襄毅公外傳

吾鄉項襄毅公起家儒學獨以事功著蓋王文成一流人
也余嘗輯公軼事次爲外傳凡國史家史墓碑年譜及石
城記今獻言行錄諸書所載者不贅焉

公之師爲壺守正烏程人系出安定弟子德德六世孫徵
字慎之以例貢官舒州通判徵子嘉會字子禮中嘉定十
四年鄉試爲同安主簿嘉會五世孫璣字怡樂號萬菊居

士入元不樂仕進工詩詞有樵雲集龍泉章三益嘗師之
守正卽怡樂孫也

烏青志

公又與平湖沈太守石鰓

琮

侍御青壁

琿

兩孝子同受業

於沈拙菴司勳司勳名淳字惟厚呂文懿序所稱難進易
退君子儒者也

正統間公以比部郎扈駕土木被陷倒馬因善一胡婦婦
曰君欲歸乎公曰國所願也婦曰吾頗習途徑與君偕往
隨戒餼糧挾之潛行行且強半婦曰此去邊關尚須四日
程度所齎糧不足供兩人且共入關必多盤詰往則俱斃
耳前途遊騎漸少達彼甚易請從此別遂併糧自殺公急

救不及忍痛獨行抵宣府枵腹已一日矣乃祀婦於家廟
海昌朱近修曰觀於此公之善處變及感人於倉卒間其
才德俱可見矣若胡婦之賢豈不過張博望蘇子卿洪忠
宣之所娶哉

天順中朝廷好寶玩中貴言宣德中嘗遣太監王三保使
西洋獲奇珍無算帝乃命中貴至兵部查三保至西洋水
程時劉忠宣大夏爲郎公令都吏簡故牒劉先簡得匿之都

吏簡不得復令他吏簡公詰都吏曰署中牒焉得失劉微
笑曰昔下西洋費錢穀數十萬軍民死者亦萬計此一時
稅政牘卽存尚宜燬之以拔其根猶追究其有無耶公竦

然再揖而謝指其位曰君達國體此不久屬君矣

智囊

成化元年單縣秦襄毅

統

知葭州公時撫陝奏秦才堪治

繁調秦州道經西安公謂秦曰秦民難治皆以刁民作梗
爾到彼有此等卽打死申來秦曰刁民人皆惡之所惡不
同上司於刁民則惡其害人州縣官於刁民則惡其害己
但患御之無道耳苟御之有道刁民將化爲良民若專事
誅鋤反使貪官得計耳公笑而不言到秦三年拖欠糧草
皆完健訟與盜賊斂跡公聞之喜曰秦州得人矣右見秦
襄毅自述年譜余按秦後撫豫值汪直巡邊秦與抗禮密
奏直擾民帝弗省公亦忤直者宜與秦爲同志也

宏治元年吾郡百戶陳輔者以販私鹽爲業事發革任所聚徒黨漸衆遂思爲亂同其父陳端子陳文陳武鳩集所部白晝入郭太守徐霖踰垣遁去因奪郡印劫庫藏釋囚徒又劫奪嘉興守禦千戶印執千戶白鑑殺掠吏民盡剽城中金帛婦女全家入太湖爲寇勢甚猖獗郡人驚惶時值初夏公以本兵削籍在家爲輔卜之旣而曰無能爲也今日旺神在西而賊乃揚兵東出是爲休門旦夕見俘耳俄上聞變亟遣侍郎彭韶領專勅巡視浙江督責地方文武用兵事權甚重比至無幾時而百戶父子皆就戮矣公雖多方畧不聞善風角而奇中乃爾信乎往昔多能不肯

炫鬻如魏陽元善射非臨朋何由知之

萬厯野獲編

公里居日結構李耆英之會月一集於僧房道院中同會者雲南布政司參議金禮敬之四川按察司僉事梅江文淵福建按察司僉事戴祐元吉漳州知府蔣諒用眞武岡知州伍方公矩陽山知縣包鼎汝和通判湯彥和教授陳蒙福主之者公也會始於宏治戊午春所賦詩文文淵景爲一集府學教授新淦蕭子鵬序之比於香山洛社云

靜志居詩話

公旣歿子孫多貴顯者說者謂其陰地甚佳故遺蔭至此桐鄉李臨川

樂

獨以爲不然曰天地之大德曰生居官者

能體天心以治民則天必祐之此理之常非倖致也景泰二年公遷廣東副使按部高州謀報賊攜男婦數百流劫村落部將請發兵公曰流賊無攜家理愼無妄殺及訊其俘果皆良家被掠者盡釋之陳泉陝右適陝飢公不待奏報輒發倉賑之全活者萬計滿四反公以計誘其愛將楊虎狸爲內應竟擒滿四斬首七千有奇進右都御史京畿大水勅公巡視公自發廩外復勸貸得米一十六萬五千石銀布牛具各萬餘所全活者二十七萬八千餘人公有大功於朝廷若此其食報於天宜矣

見聞雜記

明經紀靜齋先生傳

代

上饒紀生徵善爲余壬午典試豫章所取士躋公車幾二十年至庚子始成進士先是生以優行貢成均充八旗教習時生考明經靜齋先生年已七十生遂乞長假以歸歸而舉於其鄉旣拆卷監臨湯稼堂中丞語余曰此余視學信州拔取食餽其父某乃一鄉善人也余心識之生每上春官必來謁爲述先生庭誥甚悉歲辛丑生以教習期滿引

見以教授用南歸將治行手所爲狀涕洟請余作傳余非能立言者念與生相於久且嘉生之能敬其親之美也因受而論次之

先生諱耀昌字又昌號靜齋恩貢生系出廣豐徐氏嗣於
紀祖諱一竟始遷上饒舉鄉飲賓父諱思平庠生先生天
性孝友父病足起居維艱先生事之未嘗暫離左右抑搔
扶持滫瀡脂膏必問所欲務得其歡心少暇誦讀於其所
父悅甚曰汝書聲琅琅吾反得熟寢不吾妨也如是者十
餘年少失母事繼母如母嘗曰古人刻木圖形以事亡親
吾不及事生母繼母在卽無母而有母矣先意承志母亦
忘其爲非所生也伯兄某自城移居山莊始析爨分授田
產復取已所得三分之一讓兄曰兄食指繁恐不給也兄
有匱乏仍資給之初先生未有子鞠猶子以爲子教養逾

己生姪女將嫁則裝送特厚繼母前適潘氏生子某先生
弟畜之如同懷教之成學入邑庠未壯爲之授室生子某
亦入邑庠同居三十年無間言伯兄或有責備先生徐曰
父母所愛亦愛之何爲不相容耶伯兄意頓釋尤敦任卹
肯緩急人歲偶賺穀直翔貴以宿儲糶於鄉人必減其直
穀盡猶苦饑復以所鬻錢貸之逼除亦不責償其大戶有
放穀者收息至加五先生每借出潤穀一石收入乾穀一
石又不欲獨居其名則石取一斗爲息自是加五者亦遞
減爲加三加二五矣居常勇於爲義解結訟佐興造當塗
咸倚重之郡有謝文節祠時方脩起置奉祠生謝姓之以

賢雄者將營得之且利其稱先賢後以炫於其鄉一日有被褐生來詣先生訴係壘山嫡派悉出其先世誥勅遺像并完賦票一一不爽先生心訝其能守先代舊物也尋察其樸誠寒素無強近夤緣爲斂容禮之翼日昌言於博士并列其所藏各據僉曰奉祠郡伯意有所屬寒陋如此未足爲先賢光也無能爲此生白者先生毅然謁太守亟呈其所弄且道其人單寒樸遯狀太守曰子果知此生爲先賢後乎先生避席曰其支派所不敢知但觀其所守遺蹟厯兵燹常存意非先賢呵護之靈不及此太守沉吟曰子言良是第脩祠須子孫輸金恐非貧士能辦耳先生曰但

得許其奉祀其族黨必有感而相欬者議遂定先生雅尚恬淡不以一字竿牘有司顧事有裨於鄉井者輒自任不少遜避嘗曰邑非令宰可獨治也必搢紳相助爲理而後地方利病民情甘苦得以上下相通矧如學宮書院祠廟橋梁胥士民所倚賴設皆却顧不前則宵小叅預其間馴至敗乃公事矣吾卽欲鍵戶自守其如邑無人何先生教子有法不沾沾於舉業待後進不憚多方激勵之耄老力學不倦凡十有八次踏省闈不售未嘗有幾微怨尤年七十九卒子徵善卽教授應善孫學孚學寬學良並有文論曰宋王逢原師說云示之孝友睦婣任恤使相脩飭考

諸成周盛時族師書其孝弟睦姻有學者閭胥書其敬敏
任恤者蓋師道立而善人多此風俗之所以淳也嘗讀史
孝子多善事後母陳蔡徵有王祥之性初名覽更字希祥
願以行孝故而使母以不慈彰亦非人子之願也如魏高
謙之事後母李以孝聞李亦撫育過於己生人莫能辨其
兄弟所出同異不其難歟後漢薛包分財異居奴婢引其
老者曰與我共事久若不能使也田廬取其荒頓者曰吾
少時所理意所戀也器物取朽敗者曰我素所服食身口
所安也可謂善讓矣乃許武以二弟未顯請共割財產以
爲三分自取肥田廣宅強奴婢以致大譏則又有曲行其

讓者焉固不可以形迹拘也今觀先生敦厲名行其孝友有足彷彿者生淑其鄉沒而齋志宜有賢子孫以昌厥緒哉

俞忞菴先生傳

郡東南白苧村疎林秀埜環以碧流肥遁者多卜築焉元

徐大章

一夔

明周逸之

履靖

及吾家苧莊老人並穆忞隱閔純

德獨存惟忞菴先生明發有懷鄉人稱孝隱云先生諱昱字宣夏姓俞氏忞菴其別號也先世貫海鹽成化時徙入郡爲秀水人隱君愛潛公仲子生而穎敏未冠補諸生與兄旦弟鼎先後遊郡庠名噪甚惟時社事雲興主盟者無

不得先生以爲重毘陵顧修遠一見以奇士稱之先生覃精六藝畋獵百氏凡古今康濟之畧悉湛涵胸次已乃屢躡場屋不獲少展遂絕意進取終身事親竟以孝著蓋先生年甫二十有三而隱君卽世適遭鼎革亂離轉徙獨能居喪盡禮爲人所難事母李孺人更十九年色養備至當隱君之將終老於苧溪也廬左有平壤延廣數畝隱君思薤葺爲圃顧地屬他姓有願未遂隱君旣沒其地主一旦款門求售先生曰此吾先子所欲營爲菟裘者也余何敢不勉遂受而售之於是壘石開池雜蒔花藥竹木心力幾憊旣又結宇中央以奉三代栗主顏其堂曰霜露仿宋永

嘉張子充

煇

故事去堂折而東營生壙先生曰以吾生前

徒殷孺慕不若沒後瞻依更永也一時投贈有霜露堂題

詠詩卷傳播人口他如篤友愛周困乏凡師資道契戚黨

姻聯每沐其煦濡無幾微德色迹先生生平闊渟自完芒

采蓄流故嗣君別駕不卽入官日侍先生曲展言笑而先

生於世益落落杜門卻埽經年足不入城市交遊故多名

碩如秦汝翼

雲

朱近修

一作

姚山期

任

黃觀只

壽

楊自西

建

何蕤音

元

曾道扶

王

趙武昔

隨

陳堯夫

英

並其族兄天木

鐸

弟漢乘

雲

來皆同志也先生篤學嗜古老而靡倦詩有南

涼茗柯悉菴霜露諸集總十二卷文有恥聲集六卷雜著

有庭說十卷開牕隨筆四卷續筆二卷牖日雜鈔十六卷
晚又酷嗜禪宗有禪悅輯畧正宗指南禪餘玉屑衆香雜
俎四種各二卷稿多散佚惜哉年八十有五卒之日顧瞻
煜煜神氣沖恬真外隱內顯不測人也其世繫流派子孫
姻婭與生卒年月別具家乘中

明府敬齋吳君傳

代

乾隆戊辰間余初舉南宮入詞館時嘉興吳君敬齋司訓
吾邑余耳其課士法甚備間與郡守杜君補堂修舉廢墜
越之文獻胥賴焉邑人士至今稱誦弗去口洎宰行唐邯
鄲尤以循卓著會令子鑽以名孝廉筮仕楚南君遂移疾

歸里歲丁酉君年逾古稀矍鑠健飯神明不衰令子亦以
循卓繼起有聲爲能竟君所未及設施者君以余曾序其
部民獻壽之辭辱知君出處崖畧郵所著手記寓書都門
曰高增老矣懼朝夕先朝露微公度無能不朽增者余雅
重君之爲人爲有志於儒學循吏者輒爲及身立傳作他
日誌銘底本因次其行事如左

君幼穎悟爲大父南培公所器愛考旭昭公好行其德遇
儉歲傾囷鹿助賑勞瘁得疾以沒君逾冠與弟高峻並名
噪賢序考命從錢塘桑穀甫先生學先生精性理書以學
行友教四方出其門者皆有儒者氣象論者比諸宋初三

先生無慚沮也君以明經爲山陰學博兩攝會稽教諸生
經明行修行畏齋程氏進學規程越士尚才華君示以作
文法度每學使者試拔經學古學及鄉賦獲雋者大半經
君指畫一時老宿咸惛服無異辭以其餘力佐郡守表彰
先賢修復古蹟新祠宇廣祀田恤忠節之後訪惛嫠之家
有蘭亭志越蔭錄傳芳錄崇禋錄節孝志諸刻君又出家
藏道子聖賢遺像鐫碑學宮以承先志秩滿膺薦擢宰行
唐君治行唐多惠政禱雨捕蝗俱有成效力行保甲奸宄
斂迹勸課農桑惰窳知儆先是邑土磽瘠上官檄令開墾
陞科君具實力請乃止勸民種紅苧以諸有十二益刊種

諸說及鑒井利民說列荒政十八條仿前明邑令胡秉中
作教民三圖倣寧陵呂叔簡續四禮翼制府方恪敏公序
行其書爲顏其聽事曰善教洽心邑故有義塾君至立規
條興之并揭示詩文入門要旨邑人始知嚮學邑當畿南
之衝

上巡幸過其地君爲區畫營衛尖頓先期除治橋道事集
而民不擾其幹局又如此迨奏最調邯鄲治狀一如行唐
甫半載因勞致疾君性淡於榮進至是亦條然動歸思矣
大吏爭挽留之不可得

論曰漢詔謂儒林之官宜皆明於古今溫故知新通達國

體故謂之博士又謂安靜之吏惴惴無華又謂俗吏矯飾
外貌似是而非雖然所惡於爲吏者如賈誼言所務在刀
筆筐篋而不知大體匡衡言俗吏之治皆不本禮讓王吉
言俗吏所以牧民者非有禮義科指是也若乃以經術飾
吏治又豈可少耶晉范甯爲餘杭令在縣興學校養生徒
潔己修禮志行之士莫不宗之期年之後風化大行自中
興以來崇學敦教未有如甯者也唐馮伉令醴泉縣多嚚
猾數犯法伉爲著諭蒙書十四篇大抵勸之務農進學而
教以忠孝鄉鄉授之使轉相教督若吳君者殆近之矣余
又聞君弟高峻爲令江南亦有政績今吳君以引年歸教

其子若孫而令子鎮又以吏局知名世傳諸傳有理縣譜不足專美於前史矣

金濟菴先生傳

先生金姓諱作楫字濟菴先世來自彭城貫秀水祖爾黃公名萬鉉事父省飭公以孝聞省飭暮年失明萬鉉晨夕露禱舌舐而愈何槩音銀臺記其事萬鉉生紹庚字昂後先生考也昂後公舉四子長卽先生少穎異不凡年十五哭母哀毀骨立里有耆舊勸以虔誦感應篇萬徧可資冥福先生跪靈前誦如數遂奉行終身康熙甲午舉於鄉雍正元年癸卯

恩科成進士出高安朱文端公之門需次京邸聞父患膈
觸熱馳歸得親承色笑者數日父沒先生呼搶欲絕苦塊
中跪誦感應篇如母亡時庚戌秋謁選除貴州青溪縣抵
黔而青溪缺已有人先生因就臬司學刑名屆秋審佐閱
招冊力求平允案有待質十餘年者先生白臬使聞於

朝得

旨寬免多人大吏咸推重焉每以疑獄屬讞先生必竭其
誠暑天柱縣縣舊隸楚省境有黃花金厰厰夫聚則米價
必踊先生請封閉市價頓平其俗姑女必嫁舅子舅無子
勒出多財先生刊碑示禁民苗雜處歲二八兩月男女吹

笙跳月先生亦斥禁之喻以廉恥風亦寔革徵科一里十
甲里保挨年包攬以爲民害先生並請革除設易知單親
臨督收祇令戶繳零星飯錢而輸派之弊以絕公餘課士
則循照學政規條率學官月有課季有考雖僻遠不遺每
季集諸生一堂捐廉餼之評共甲乙別其勤惰而龔生達
生捷鄉會爲一邑先聲士風彬彬起矣實授後調任鎮遠
值逆苗煽亂傳郵阻絕僅保孤城而奔竄來歸呼號待拯
者以萬計先生招撫流亡計口散賑團練鄉勇設卡堵禦
中夜警聞必束炬以出至六月大兵雲集先生籌運芻餉
以濟戎行會

上遣重臣查賑知彫吐遺噍綏輯有方以先生爲才無異
辭是歲冬湖督張公奉

命經畧六省軍務駐節鎮遠先生搜偵諜鞫凶渠凡誤罹
法網經先生省釋者不可勝計而寬脅從恤家屬先生尤
盡心焉以軍功擢永豐州牧尋改黃平州州自苗匪弄兵
犯順淹繫百十名有一二年未結案者先生悉理出之而
囹圄爲之一清至叛苗絕產募設軍屯爲安懷之舉屯以
百名爲差州屬有重安朗城岩門鍊刀灣各土司兼新舊
兩州共六屯築堡列墩爲經久計州治修起巽宇城垣及
官民廨舍鼎建一新戰沒官弁之邀

卹典者並爲立祠以廣

皇仁以厲風教暇卽開學延師刊布文字分給生徒辛酉
入策得士五人胥知名士如李楚陳上書以次登第壬戌
報最奉

特恩授吏部驗封司員外郎去官日黃之士庶率衣餞送
者至遮馬不得前道由鎮遠鎮民之攀轅流涕者更甚行
次常德先生弟燮君口號云清風兩袖裴先生感而賦詩
有軍旅半裁猶待哺瘡痍初起尚畱癥之句癸亥春抵京
司封職任清簡先生遇陪奏陪祀查班及考職封卹諸務
亦必敬慎以將先是軍旅倥偬先生以積勞致疾因念祖

父母兩世猶滯淺土乞長假歸營窆畢卽謝絕世緣藥裹
外日惟緝閱經史手不停披甲戌上元郡舉鄉飲酒禮太
守張公

照乘

謁先生爲大賓先生以已嘗有位於

朝爲齒讓於張孝廉

仁浹

而自居於介饌鄉人稱先生讓不

失禮無愧懿德云禮成而病越月卒實二月六日年七十
有六所著讀易疑問未成書觀史隨筆永珠自覓丹書心
識楞嚴心識黔遊草藏於家子存者三人九畹九穗九齡
論曰先生居北郭衆安橋余幼聞其人而以未見爲憾嘉
慶己未志局開其家以狀來余讀之知先生爲黔牧養循
績不勝書述苗亂軍書旁午羽檄紛馳先生以有用之才

運籌悉當措置裕如噫可謂難矣迹其生平處爲醇儒出爲良吏事親則苦廬盡孝憲老而賓筵有光嗚呼後之爲搢紳者可無所則倣歟

姚蘆涇先生傳

先生姚姓諱晉錫字安伯系出蘆涇張氏自號蘆涇識不忘其先乾隆十六年辛未進士改庶常散館授禮部主事調刑部官比部十餘年讞決端平大司空裘文達公時貳爽鳩最所倚重文達故先生庚午座師也擢御史陳奏直省佐貳官不得陞本地州縣牧長各府教官不得闕本地郡邑試卷奉

硃批此奏似有所見部議允行尋以將母乞歸侍養凡十
五年母夏始沒祖遺腴田百畝悉推以贍族人肯周人之
急戚黨賴以存活者甚衆家居足跡不踐公府竿牘不通
有司尤甘澹泊尚儉素杜門自課其子江徹濟綸並成學
孫壽曾中壬子副榜卒年六十五易簀時神明鎮定治命
勿乞人作行狀墓銘以滋炫飾口占示眷屬云勿芟我家
種草毋搢吾祖邱墳須秉尊親德教動關鄉里傳聞戒後
人云生平詩句不會臨去輓聯自編盡其道而死者吾得
正而斃焉學者以真君子目之著有閑家述要及蘆涇集
俗語有本錄

沈子曰予諸生時爲先生所知乾隆戊寅先生以外艱歸鹽倉橋故里見予少作各體手跋曰成家名世必傳無疑又十餘年予仍困場屋會先生以請養歸祿里新居評予文曰吾鄉汪吏部後僅見斯人汪吏部者厚石印君也洎予以庚子

召試躡汪後塵甲辰假旋先生尚好在過從譚噉卮酒言歡迨予成進士官司勳釋絨循陔而先生已不可作矣回憶三十年澹成之交不可再得抑老成先正微先生其誰與歸因采鄉評爲之傳若遂以報知已則非所敢云

席母顧太恭人傳畧

恭人姓顧氏世爲吳郡長洲人曾祖吏部公諱予咸祖太史公諱嗣立以詩文樹壇坫海內稱秀野先生考諱日熾候選州同知妣韓氏大宗伯文懿公女孫舍人北萊公女恭人生有淑質太史饒愛之稍長教以內則小學諸書並通其義父沒甫十齡恭人擗踊號泣又時時爲母慰譬婉曲如成人年十八歸兩浙江南鹽運副使常熟席公諱襄爲室逮事公祖妣吳能得其歡心運副兄憲副公嘗爲京曹郎山守鄖陽運副兩奉母就祿官署恭人時以新婦持家內外井井姑徐尤倚賴之善事姑姑疾恭人侍藥裹互昕夕罔懈及歿庀治喪葬哀禮交盡運副故爲笠澤巨族

由虞山遷曹溪別業遂卜居焉方運副筮仕浙中攝令湯
溪旋補鹽運副使恭人皆從官廨舍謹筦飭簠簋俾運
副一意職守無內顧憂在浙四年以上官事率率當去任
恭人趨之歸怡然賦遂初無幾微見於顏色運副歸田後
優游林壑者又數年恭人課僮奴督耕織潑醅翦韭惟恐
不給其教子也慈懿有訓識不以獨子存姑息旣就傳輒
命負笈從師多從東南賢士大夫遊恭人宿春糧具衣履
凡所以爲遊子計者纖悉周至絕不作踣問語瀕行申運
副命戒毋亟歸省恭人知大體類如此運副性亮直意所
可否無少嬖姁事過輒已恭人承以柔順相莊三十餘年

未嘗有違言凡運副篤倫紀敦任卹求善無饜爲鄉里所
稱恭人與有助焉運副敬事其兄每過曹溪恭人治具惟
謹日用所需咄嗟立辦與姒婦李雍睦無間言歲時饋遺
道相逮也小姑適周氏家中落運副繫念甚恭人時分橐
飲之運副於羣從中愛其才賢者輒數百金資以入官恭
人力贊成之不少吝其他待族戚世舊多所振贍旁及里
閭飢予粟疾予藥殮予槥行之終其身歿乾隆三十二年
丁亥壽六十有二子一紹客戶部山西司員外郎孫世臣
諸生世良曾孫鼎晉

論曰易家人利先正乎內六二以順巽爲貞吉六四以順

在位爲大吉蓋柔順中正必自无攸遂始以至能富其家
亦由是道所以爲家人之吉占也漢曹大家傳云敬順之
道婦之大禮也敬以持久知止足也順以寬裕尚恭下也
魏王椿妻南和縣君魏氏明達有遠操內足於財不以華
飾爲意存拯親類所在周洽椿名位終始魏有力焉又高
謙之妻中山張氏具明識嘗誡子以讀書脩勤勿替先業
今恭人相夫訓子均得柔順中正之道用能繼承先緒保
世滋大焦氏易占曰宜家富壽殆其人歟穀詒子孫慶昌
似續宜哉

錢母尚恭人傳畧

代

國朝書文彙 卷十三
予嫻家錢曉村先生爲今宮傳刑部尚書在籍食俸香樹
先生同懷弟雍正間宮傳官翰林奉

詔保舉人材循古內舉例以弟界應

詔歷任楚中施南貳守以歿生前多惠政至今部民祠祀
之繼配尚恭人以苦節自矢予官慶遠同知時嗣子汝弼
就昏粵西爲予述恭人持家訓子大畧予心甚敬之歲壬
辰春汝弼遣力以恭人因問至楚則恭人於去歲十一月
朔考終第舍年僅四十有七汝弼思所以不朽恭人者乞
予爲之傳惜予非其人也念曉村爲廉吏恭人爲節婦均
無忝香樹先生之家法因不辭而敘次焉

恭人姓尙氏系出上黨右族原籍陝西興安州今貫江西
新建縣之集賢坊高祖高祖萬厯辛丑進士曾祖天祿祖一
位皆以子貴贈榮祿大夫考諱滌雍正癸丑兵部進士殿
試

賜一甲第二人御前侍衛提督浙江全省軍務歿

賜祭葬妣王氏

誥封一品夫人兄諱廷楓

恩蔭生候補員外郎乾隆丙辰舉詞科以親老辭不赴恭
人處室時卽以孝友稱年踰笄未字會施南公任廬陵令
元配徐宜人歿陞任歸州牧繼配張宜人歿鰥官不可無

內助聞恭人賢請爲繼室于歸後部署署中事咸井井就理家人輩不敢以年少易之簠簋飪滌咨而後行每相勉爲古循良政聲日起浹歲卽遷官施南公性廉潔不名一錢嚴事家督倚之如所生數千里外奉教惟謹官傳嘗刺血手書數千言遺之示以居官立身之要施南公一一見諸行事獨不屑治家人生產性尤慷慨好緩急人於困厄中用是宦益貧尋施南公以病篤解任寓武昌行廨宦橐蕭然幾不能自存恭人實左右之艱辛備至旣歿恭人哭踊幾絕強起庀治喪事凡附身附棺之屬恭人手自拊搨竭哀盡禮僚窳咸稱道之計聞於家適宮傳先以

予告旋里遣四子汝隨入楚侍恭人扶輓歸宮傳買宅居之老屋數椽足不踰樞日資給之俾無匱乏恭人益織齎澹泊節衣縮食終其身連歲善病間作間止客秋宮傳以祝

釐入都恭人趨汝弼隨侍就道雖侍養無人不顧也恭人方病革一孫殤於痘哭之慟遂不起嗣子遠在京邸不及視殮含抱恨無已予忝至戚稔知恭人之生平爲賢婦爲節母前十年恭人年尚少能以簪纓綺冑相夫爲廉吏所至有聲采蘋之詩曰誰其尸之有齊季女恭人有焉後十年恭人砥節安貧詒嗣子以君子之穀易節之上六曰苦

節貞凶悔亡恭人有焉

節孝端木母袁太孺人傳

代

主靜海簿端木君心寅手狀其母袁太孺人節孝事實乞傳於余余非能文者顧僑寓會川耳君治行往余陳臬三吳采風白下悉孺人以一身上事尊嫜下撫孤幼砥節垂五十年於以紹門風而昌枝裔爲彤史所尤難也因受而詮次之

按狀太孺人姓袁氏系出江寧甲族爲明經芳隣公長女幼嫻女誠性尤貞淑舅氏朱太史師晦先生饒愛之恆客養其家通曉詩書大義年十九歸同邑贈登仕郎藝先公

相夫子怡愉色養得堂上歡心結襦甫七載連舉三子長
卽主簿君亡何贈公感危疾孺人時亦抱病強起侍奉左
右晝夜不交睫者浹旬疾增劇孺人潛登後樓宵分長跼
告天抽利刃割臂肉思爲羹以療而病久脫弱皮骨空存
強割十數刀血盆湧終不可得肉乃止旣而疾不起孺人
欲以身殉家人百計勸沮爭共挽持不休舅姑度無可如
何亟牽諸孫環泣於懷復鐔于申之曰汝志雖堅其如垂
白二老及黃口孤兒何且汝獨不爲我家宗祧計耶孺人
乃強進食飲自是事舅姑益謹一意教其子以成立每涕
泣自矢曰是未亡人責也尋隨舅宦粵西君時方十歲病

痼不可治孺人以藥糜飲君君方熱昏眩手顫誤觸沸鎗
潑孺人身時正炎暑孺人痛不能忍君抱母泣孺人亦泣
倉猝間彷彿見世俗所塑旃檀大士像者跏坐於其側作
指揮狀翌日君病若釋孺人傷亦平其誠感若此舅旋歿
於任孺人偕兩小叔侍姑間關數千里扶櫬歸家益貧無
以爲養則取給於紡冬月十指皸瘃夏則搯衷向蠅蚋中
不遑一揮扇也仍以餘力口授諸孤經斯夕不少輟姑以
老疾沈綿牀褥者數載孺人親嘗藥裹躬滌廁踰每夜中
庭露禱以爲常姑臨終泣而執其手曰我以病累若多年
無以報若願若子孫之事若亦如若之事我足矣孺人治

大事尤誠信視殮舍營窀穸皆獨任之殫其心力遇歲時
家忌必手治一蔬舍辛潔薦終其身敬不衰歲甲申大吏
以孺人合格請

旌得

俞旨樹綽楔里中辛卯君攝新城丞將車迎母就養官舍
君每進一衣一饌孺人必詢所自來衣帽之教無異君髫
髻時猶是古人封鯁意也戊戌遇

覃恩受封太孺人卽於是冬遘疾歿得年七十有二

論曰金陵端木氏爲先賢黎公嫡派遡源大任系緒厯厯
可數至主簿君祖燦極公世以宦學著邑人以右姓推之

君幼孤賴太孺人鞠以遂長捧檄畿南循聲日上顧孺人以單癯羸弱措就衰之門閥振欲墜之家聲亦賴其子善承母教恪守官箴得以疊荷

綸褒光榮里閭說者謂無忝端木氏之子孫是母是子非相得益彰者歟孺人刲股以救所天之疾雖志願未遂其創痍至老猶存昨歲孺人猝感中風君亦刲股肉亟進而未効部民咸樂道之以爲君之孝於親用能子我民者也昔徐祚以謝貞家傳至孝而曰孝門有孝子豈不信哉

節孝徐孺人傳

孺人姓徐氏世爲秀水人明兵部尚書元仗公七世孫女

卹贈太僕少卿隨州牧

國朝貤贈內閣學士兼禮部侍郎

賜諡烈愍其六世從祖也曾祖諱朱燦厯任河南西平扶溝縣令祖諱朱塤考諱廷銓並邑諸生乾隆三十五年庚寅孺人年十六許字同里儒童金筠爲室明年八月來歸結褵未幾筠罹羸疾旋於是年十二月物故孺人搶地呼天泪盡繼血欲以身殉者屢矣時君舅朗園公方健在偕姑倪安人委曲開諭始强起進水漿飲泣吞聲漸有生理自是壹意盡孝晨昏色養務得歡心蓋孺人爲未亡人年甫十七終其身以婦道兼子職至沒齒無間言能使堂上

兩親喪其冢子久而遂忘其痛斯則子婦之所尤難者洎
朗園公年老臥病孺人侍奉左右親嘗湯劑不交睫不解
帶者歷寒暑不懈夜則熱辦香長跼籲天願以身代舅病
篤口孝婦者不置迨舅沒哀毀逾常辦喪喪窆里邨交稱
其賢且以衰姑在堂多方勸慰姑雖桑榆暮景居恆率倚
賴之先是筠早世無子以弟塏之長子錫純爲後孺人鞠
之襁褓中日夜冀其成立以育以教無異所生比長延名
師課讀轉慈爲威不少姑息無何錫純遭厲夭折孺人哭
之拊心曰已矣天胡奪我嗣之遽耶今而後宗祧其誰望
耶塏悼殤之餘亟思有以慰寡嫂者慰老母復以次子錫

爵許爲之後顧孺人盡傷於心無以自解猝染時症遂致不起彌畱時惟以不獲終事君姑爲憾諄囑嗣子孝事重闈他日當奮志攻書以圖上進其明大義胥若此孺人沒以嘉慶五年庚申正月十一日距其生乾隆二十年乙亥五月十九日得年四十有六砥節凡三十年今錫爵列敘事實具呈當塗循例請

旌旦晚

褒綸寵賁綽楔增榮亦足以彰孺人平生之大節矣

論曰吾鄉世胄中微者多其女子子有能以節著者亦振起之一端也余家故與徐有連而筠又余之表弟塏以狀

乞傳余讀之曷勝齎咨涕洟惟孺人之高行要爲無忝其家者不且有光威懿歟用直書以俟采風者

貞孝石長姑傳

石長姑者我母太宜人之胞姊余從母也不稱從母者長姑樂處室以孝於親友于同氣而鄉人亦樂得而稱願之者也石氏之先聚族於吳之皮市莫能考其所自始所可知者曾祖劔鹿公妣戴及朱祖用卿公諱新國字行之明末隱君子妣田考卽余外王父爾敦公行四娶於懷而生長姑次三從母嫁白洋朱氏之遷於禾者子卽余姊壻也四從母嫁乍浦張氏五卽我母二舅氏蘊中公諱含英三

舅氏懷中公諱含章並同母異長者長姑生於吳幼從外
王父母僑吾郡製聚頭扇鬻於市家漸以起長姑甫及笄
離皮束帛媒娉交集其門悉謝却之俟其去出惡聲詈之
曰人各有志世豈僅東鄰自媒者耶若輩何足以知我久
之外王父母度其志不可移亦不之強自是勤治生力操
作以養父母務得其歡心親沒率兩弟營厝營窆遂家於
禾前後爲兩舅氏婚且續嫁兩從母及我母皆不失其時
不訾於儀余十四五時見長姑已六十許人容貌端莊不
苟訾笑處骨肉間尤肫摯有恩故視弟之子如子視諸妹
之子亦如子迄今可彷彿者蓋敦龐純固幾於皇古之風

焉既就衰猶及預姪男女及甥男女之婚嫁爲之拊搗殫其心力而不知其老之至也卽比鄰懿戚之往來亦莫不歎慕其孝情之所推而相與忘其貞不字也因羣目之以貞孝石長姑云長姑生康熙三十年辛未九月三日歿乾隆二十五年庚辰十一月七日壽七十嘗考撤其環瑱古惟嬰兒子一人若恩縣之四女樹城武之九女祠輝縣之九聖祠靈寶之女郎山以及摩笄山戴仲若女永嘉浣紗女洞庭西山之五女墳祇得諸故老傳聞而已徵諸史策則後漢壽張女子張雨五十不嫁教養孤弟二人皆爲聘娶成善士南齊會稽陳氏三女以養祖父母誓不肯行唐

山陽女趙侍父疾依浮屠法以終宋景定初越道墟章斌
女兄撫斌成名斌女七娘子亦撫幼弟不嫁元劉靜修先
生爲旌門銘惟容城王孝女耳又事言要元載畏吾氏三
女家在武林諸兄遠仕不歸母思之得疾三女乃共斷髮
誓養母終身薛帷瑣語錢唐胡忠信之姊守貞父母長弟
繼歿宗信因撫弟成立娶婦王甫五年宗信歿一子貢守
貞遂與王誓死守者十九年年六十卒洪武甲子王率子
行三年喪千戶華榮女妙清蚤喪前母茹蔬十餘年初榮
代伯氏戍彭城永樂間以功得官臨歿語女曰吾起戰陣
爲千夫長期延於世也今中道死子震幼且弱族人利吾

官者將不利於震女泣曰吾雖孑然孱也請得事吾母長
吾弟嗣吾父勲終不從婚媾去遺父憂也後有伯之子果
欲奪震官百計誘女嫁女剪髮碎面以示志爲震所祐於
天晝夜勤女紅竟育震成襲官且教以忠孝自樹焉明尚
有上虞賈妙蓮事詳縣志近江寧談淑範盧抱經志其墓
寧遠姜孝月汪龍莊表其行而陶莊方孝女胡允滋紀之
以詩昔吾鄉湯練川日新銀臺之先有湯長姑者友桂之女
兄也先是湯永明生二子長前配莫出次卽友桂繼金出
友桂少孤前母兄不以弟畜長姑念嫠母弱弟煢煢在疚
矢志不字俾湯氏得扶翼安全長姑力也

國初諸生李夢康女名鳳者四齡失恃哭而哀及長願終養父父疾禱於天有鳥銜朱實墮藥鎗中嘗而進之脫然愈時人爲之語曰生女慎勿嗔養父不嫁有孝貞夫湯李高行具前人志銘傳議詩歌中不患不傳吾外氏家中衰若長姑者懼終湮沒不彰故請於我母縷述所聞而爲之傳

史烈女傳

史烈女者秀水史善燕女母氏倪史之先系出潁陽侯崇傳世二十有八至集賢院學士諱懷則始遷吳之思賢鄉聚居數十百家不間他姓人謂之史家村明史西村集載

曾祖考清遠府君諱仲彬行狀其遠祖也女生而端靜事
父母以孝稱女紅外誦女誡女箴習知大義年十六許字
仁和曾任湖北觀察杏雨沈公次子守坤爲室觀察罷官
後僑禾郡以官逋遊四方守坤年十九赴童子試於杭遭
疾歸旬日而歿訃聞女方刺繡手剪刀劃破之七日不食
痛幾絕強起請於父母願喪服歸沈氏守節父母以觀察
未歸難之諾而未果也女日夜飲泣形於夢想守坤右足
故不良女初不知一夕從夢中得其狀及寤詢之而信於
是求歸之志益決矣先是守坤死柩置茶潭茶潭字音同言
知之侍其祖母禮佛寺中徧問老僧所寄柩若無意者然